

Wien, Österreichische Nationalbibliothek (ÖNB), Cod. 11761

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

3165

L I T U R G I C I .

3166

adtulerit, in Decessorum Adversariis non reperio, nisi Bibliothecam *Fuggerianam* Ferdinandi III. jussu emtam ab eo, et *Augusta Vindel.* huc advectam excipias, qua de re *Lambeccii* T. I. p. 67. edit. *Kollar. col.* 139. adiri poterit.

DCCCCXXVII.

857 Codex membraneus lat. Sec. XVII. Folior. 41. 12. titulis deauratis eleganter scriptus, Precatorius est continens: *Officium SS. Nominis Jesu* cum adjunctis Orationibus, *Officium S. Crucis* itidem cum Orationibus.

DCCCCXXVIII.

866 Codex membraneus lat. Sec. XVII. Folior. 105. 12. literis characteres *Aldinos* seu *Cursivos Italicos* egregie imitantibus, ut impressas credas, exaratus, auroque fulgidus inscribitur: *Viridarium Animæ ex Variis Authoribus Collectum.* Anno Domini 1.6.7.4. die 7. Nouembris. Opera Stephani Zareba, quem Polonum fuisse automo. Insunt porro praecipue: *Meditationes ex Augustino, Anselmoque lectae, Officium Immaculatae Conceptionis B. V. M. Precationes dictae Augustini ad Eandem, Officium de VII. Ejus Doloribus, Exercitia pro Sacramento Poenitentiae et Eucharistiae, Officiumque Defunctorum.* In usum *Principis* haec conscripta fuisse, et *Austriaci* quidem, fidem faciunt a fol. 55. *Orationes Regis*

aut Principis, qui Populum regit et gubernat, item quibus foll. 30. p. 2. et 57. p. 2. S. Leopoldus Austriae Marchio colitur. At vero foll. 29. et 49. Princeps hic ipso nomine proditur: Ego Leopoldus. Itaque Εγγειον istud curatum est anno imperii ejus sexto decimo. Quo anno quid Vir piissimus de Fastigio, in quo eum Deus collocarat, senserit, e Formula, quam adscribo, disce: Omnipotens æterne Deus! agnosce et vide, quam timendis periculis pro officii mei conditione undique sim implicitus. Scio non esse mibi Dominum, sed seruitutem et officium. Scio, non bruta meæ fidei commissa, sed filios selectissimos, illoque Tibi charitatis vinculo conjunctos, ut pro ipsis te morti tradere non dubitaris. Quis ego sum, mi Deus! qui tanto officio satis faciam? Homo sum imperfectus et æger, falli et errare mibi facile. Populus tuus plurimus est, et in omni loco præsto esse qui possum? Quapropter, o Domine! Te supplex precor, da mibi sedium Tuarum affricem Sapientiam, mitte illam de Coelis sanctis Tuis, et a sede magnitudinis Tuæ, ut mecum sit et mecum labore, et intelligam et sciam, quid acceptum sit apud Te, ne quid faciam vel in gratiam aliquius, vel in odium, sed secundum veritatem et justitiam sententiam feram. Amen.

DCCCCXXIX.

Codex membraneus lat. Sec. 867 XVII. Folior. 41. 12. nitidissime exa-